



O'ZBEKISTON RESPUBLIKASI VAZIRLAR MAHKAMASINING QARORI

20 21 yil « 9 » sentabr

№ 563

Toshkent sh.

Республика олий таълим муассасаларида талабаларни турар жой билан қамраб олиш даражасини ошириш чора-тадбирлари тўғрисида

Республика олий таълим муассасаларида талабаларни турар жой билан қамраб олиш даражасини ошириш, барча қулайликларга эга бўлган замонавий талабалар турар жойларини қуриш учун қўшимча шароитлар яратиш мақсадида Вазирлар Маҳкамаси **қарор қилади:**

1. Олий ва ўрта махсус таълим вазирлиги, Молия вазирлиги ҳамда Иқтисодий тараққиёт ва камбағалликни қисқартириш вазирлигининг республика ҳудудларида талабалар турар жойларини давлат-хусусий шериклик шартлари асосида қуйидаги шаклларда барпо этиш тўғрисидаги таклифи маъқуллансин:

а) талабалар турар жойларини барпо этиш лойиҳаларини **тадбиркорлик субъектининг ўз маблағлари ҳисобидан эркин келишиладиган шартлар асосида молиялаштириш.** Бунда:

давлат-хусусий шериклик тўғрисидаги битим амал қиладиган муддат давомида давлат шериги томонидан хусусий шерикка талабалар турар жойларидан **эркин фойдаланилиши учун тўлов тўланади;**

давлат шериги ушбу тўловни талабалардан ҳар ой яшаш учун йиғиладиган тўловларни чегирган ҳолда Давлат бюджетидан ажратиладиган субсидия ҳисобидан амалга оширади;

талабалар турар жойини сақлаш ва эксплуатация қилиш билан боғлиқ барча харажатлар хусусий шерик ҳисобидан қопланади;

б) талабалар турар жойларини барпо этиш лойиҳаларини **тадбиркорлик субъекти ва Давлат бюджети маблағлари ҳисобидан аралаш молиялаштириш.** Бунда:

давлат-хусусий шериклик тўғрисидаги битим тадбиркорлик субъекти билан камида **200 ўринли талабалар турар жойини барпо этиш учун тузилади;**

хусусий шерикка талабалар турар жойини куриш учун лойиҳа бўйича битта ётоқ ўрни ҳисобида талаб этиладиган маблағнинг **50 фоизи**, бироқ, тегишли йилда Ўзбекистон Республикасининг ижтимоий ва ишлаб чиқариш инфратузилмасини ривожлантириш дастури доирасида курилаётган талабалар турар жойи лойиҳаси бўйича бир ўринга тўғри келадиган ўртача қийматнинг **50 фоизидан** ортиқ бўлмаган миқдорда **Давлат бюджетидан субсидия ажратилади**;

талабалар турар жойида яшаш учун ундириладиган тўловлар давлат шериги билан келишилган нархларда хусусий шерик томонидан йиғилади;

талабалар турар жойларини сақлаш ва эксплуатация қилиш билан боғлиқ харажатларнинг 50 фоизи Давлат бюджетидан, бироқ давлат олий таълим муассасаларининг тегишли қувватдаги талабалар турар жойларини сақлаш учун сарфланадиган маблағлар ҳажмидан кўп бўлмаган миқдорда субсидия ажратиш орқали қоплаб борилади;

в) талабалар турар жойларини барпо этиш лойиҳаларини **тадбиркорлик субъектининг тўлиқ ўз маблағлари ҳисобидан белгиланган шартлар асосида молиялаштириш**. Бунда:

давлат-хусусий шериклик тўғрисидаги битим тадбиркорлик субъекти билан камида **400 ўринли талабалар турар жойини барпо этиш шarti** билан тузилади;

талабалар турар жойи жами қувватининг камида **ярми талабалар учун давлат шериги билан келишилган нархларда ётоқ ўринлари сифатида фойдаланилади** ва қолган қисмида ушбу турар жойларнинг бир ойлик тўлов миқдори хусусий шерик томонидан эркин белгиланади;

давлат шериги билан келишилган нархларда талабалар турар жойида яшаган ҳар бир талаба учун битимда белгиланган муддат давомида **бир йил учун базавий ҳисоблаш миқдорининг 10 баравари миқдорида Давлат бюджетидан субсидия ажратилади**;

талабалар турар жойини сақлаш ва эксплуатация қилиш билан боғлиқ барча харажатлар хусусий шерик ҳисобидан қопланади.

2. Белгилаб қўйилсинки:

а) ушбу қарорнинг 1-банди “в” кичик бандида назарда тутилган тартиб давлат олий таълим муассасаларига тегишли **бино ва иншоотларни реконструкция ва жиҳозлаш ишларини тадбиркорлик субъектининг тўлиқ ўз маблағлари ҳисобидан молиялаштириш назарда тутилган лойиҳаларга ҳам татбиқ этилиб, давлат-хусусий шериклик тўғрисидаги битим мавжуд бино ва иншоотларни талабалар турар жойи сифатида фойдаланиш шarti билан тузилади**;

б) давлат-хусусий шериклик тўғрисидаги битим муддати тугаган ва тарафлар ўртасида битимни узайтириш бўйича келишувга эришилмаган тақдирда, талабалар турар жойи тегишли давлат олий таълим муассасаси ихтиёрига ўтказилади;

в) талабалар турар жойларини давлат-хусусий шериклик шартлари асосида барпо этиш учун:

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан Олий ва ўрта махсус таълим вазирлиги ҳамда тизимида давлат олий таълим муассасаси бўлган вазирлик ва идораларнинг сўровномасига асосан талабалар турар жойларини қуриш учун олий таълим муассасасига **0,5 гектаргача бўлган ер майдонлари унга яқин жойлардан ажратилади;**

хусусий шерик “Давлат-хусусий шериклик тўғрисида”ги Ўзбекистон Республикаси Қонунига мувофиқ аниқланади ҳамда у билан талабалар турар жойини тасарруф этиш ҳуқуқисиз **давлат-хусусий шериклик тўғрисидаги битим тузилади;**

г) **давлат олий таълим муассасалари** талабалар турар жойларини давлат-хусусий шериклик асосида қуриш бўйича лойиҳаларда **давлат шериги ҳисобланади;**

д) хусусий шерик томонидан барпо этиладиган талабалар турар жойларида қонунчилик ҳужжатларида **тақиқланмаган бошқа тадбиркорлик фаолияти билан шуғулланишга рухсат этилади** (алкоголь ва тамаки маҳсулотларини сотиш ҳамда талабаларнинг маънавий-ахлоқий тарбиясига салбий таъсир кўрсатадиган кўнгилочар масканлар фаолиятини ташкил этиш бундан мустасно).

3. Давлат олий таълим муассасасининг буюртмаси ва тадбиркорлик субъектининг ташаббуси асосида **тадбиркорга тегишли ер майдони ёки бинода камида 50 ўринли талабалар турар жойларини ташкил этиш тизими жорий этилсин.**

Бунда, талабалардан ҳар ой яшаш учун йиғиладиган тўлов давлат олий таълим муассасаси билан келишилади ҳамда ушбу нархда талабалар турар жойида яшаган ҳар бир талаба учун тадбиркорлик субъектига битимда белгиланган муддат давомида бир ўқув йили учун **Тошкент шаҳрида базавий ҳисоблаш миқдорининг 10 баравари, бошқа ҳудудларда эса 5 баравари миқдорида Давлат бюджетидан субсидия ажратилади.**

4. Давлат олий таълим муассасаларига “Давлат-хусусий шериклик тўғрисида”ги Қонунга мувофиқ, ўқув ва ижтимоий инфратузилма объектларини қуриш бўйича давлат-хусусий шериклик **лойиҳаларини муассасанинг бюджетдан ташқари маблағлари ҳисобидан қисман молиялаштиришга рухсат берилсин.**

5. Олий таълим муассасалари талабалари учун арзон ва сифатли овқатланиш жараёнини ташкил этиш мақсадида олий таълим муассасаларига қарашли ошхона ва буфетларни умумий овқатланиш хизмати соҳасида камида икки йиллик тажрибага эга бўлган тадбиркорлик субъектларига энг мақбул таклифларни танлаш орқали ошхона фаолиятини юритиш учун бино ва иншоотлар ҳамда жиҳозларни ижарага беришда Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан ҳар йили тасдиқланадиган давлат кўчмас мулкидан

фойдаланганлик учун ижара тўловининг энг кам ставкаларини қўллашга рухсат берилсин. Бунда, тадбиркорлик субъектларига:

талабалар учун сифатли озиқ-овқат маҳсулотлари ва таомлар тайёрлаш ҳамда уларни арзон нархларда сотиш;

озиқ-овқат маҳсулотлари ва таомларнинг хавфсизлиги ва сифатини кафолатлаш;

озиқ-овқат маҳсулотлари ва таомларни тайёрлашда ҳамда озиқ-овқат хомашёсини сақлашда санитария қоидалари, нормалари ва гигиена нормативларига қатъий риоя этиш мажбуриятлари юклансин.

6. Энергетика вазирлиги талабалар турар жойлари учун ажратилган ер майдонларида ташқи муҳандислик коммуникацияларини куриш тегишлилиги бўйича **“Худудгазтаъминот” АЖ ва “Худудий электр тармоқлари” АЖ ҳисобидан амалга оширилишини таъминласин.**

7. Қуйидагиларга рухсат берилсин:

давлат олий таълим муассасалари тузилмасида бюджетдан ташқари маблағлар ҳисобидан сақланадиган тўрттагача штат бирлигидан иборат талабаларни турар жой билан таъминлаш ишларини мувофиқлаштирувчи бўлим ташкил этиш;

Олий ва ўрта махсус таълим вазирлиги марказий аппарати тузилмасида давлат-хусусий шериклик асосида ва тадбиркорлик субъектлари билан биргаликда молиялаштириладиган **лойиҳаларни мувофиқлаштирувчи Олий таълим муассасаларини ривожлантириш жамғармаси ҳисобидан молиялаштириладиган қўшимча учта штат бирлигидан иборат бўлим ташкил этиш.**

8. 2021 йил 1 сентябрдан бошлаб талабалар билан ишлаш бўйича **“гуруҳ мураббийи” институтги бекор қилинсин** ҳамда давлат олий таълим муассасалари 1–3-курс талабаларининг маънавий ва ижтимоий ҳолатини доимий равишда таҳлил қилиб борувчи, мавжуд муаммоларни бартараф этишда яқиндан ёрдам кўрсатувчи **тьюторларни бириктириш амалиёти йўлга қўйилсин.** Бунда:

ҳар 120–150 нафар талабага 1 та штат бирлиги ҳисобида “Тьютор” лавозими киритилсин ҳамда унинг ойлик маоши **“Ўқитувчи-стажёр” базавий лавозим маошига тенглаштирилсин;**

Олий ва ўрта махсус таълим вазирлиги ҳузуридаги **“Маънавият ва маърифат”** маркази тузилмасида **амалдаги штатлар доирасида учта штат бирлигидан иборат Тьюторлар фаолиятини мувофиқлаштириш ва мониторинг қилиш бўлими ташкил этилсин.**

9. Молия вазирлиги бир ой муддатда:

Давлат солиқ қўмитаси билан биргаликда жисмоний шахсларнинг **уй-жойларини талабаларга ижарага бериш фаолияти бўйича олган даромадларини солиқдан озод этиш юзасидан Солиқ кодексига ўзгартириш киритишни назарда тутувчи қонун лойиҳасини;**

Олий ва ўрта махсус таълим вазирлиги билан биргаликда талабалар турар жойлари қурилиши учун Давлат бюджетидан **субсидия ажратиш тартибини** Вазирлар Маҳкамасига киритсин.

10. Давлат солиқ қўмитаси:

икки ой муддатда ижара шартномаларини ҳисобга қўйиш электрон тизимида **шартномаларни ҳисобга қўйиш ва солиқ тўловларини амалга оширишнинг соддалаштирилган** рақамли имзосиз шаклини ишга тушириш чораларини кўрсин;

уч ой муддатда ижара шартномаларини ҳисобга қўйиш электрон тизимини Олий ва ўрта махсус таълим вазирлиги ва тизимида олий таълим муассасаси бўлган вазирлик ва идораларнинг талабалар электрон базаси билан интеграция қилсин ҳамда ўз уй-жойларини ижарага берувчи жисмоний шахсларни даромад солиғидан озод этишнинг автоматлашган тизимини яратсин.

11. Олий ва ўрта махсус таълим вазирлиги:

а) **уч ой муддатда** Ички ишлар вазирлиги ва Соғлиқни сақлаш вазирлиги билан биргаликда **талабаларни яшаш жойи бўйича рўйхатга қўйиш**, уларнинг турмуш шароити ва соғлиғидан хабар олиш бўйича тегишлича таълим муассасаси раҳбарлари, маҳалла фуқаролар йиғини раиси, унинг ҳуқуқ-тартибот масалалари бўйича ўринбосари ва бирламчи тиббий-санитария ёрдами муассасаси раҳбарларининг шахсий жавобгарлигини, шунингдек, **электрон маълумот алмашинувини йўлга қўйишни назарда тутувчи алоҳида тартиб ишлаб чиқиб, тасдиқласин;**

б) **2022 йил 1 январга қадар:**

Ахборот технологиялари ва коммуникацияларини ривожлантириш вазирлиги ҳамда Ички ишлар вазирлиги билан биргаликда “Манзил” автоматлаштирилган ахборот тизими билан интеграциялашган **олий таълим муассасалари талабаларининг ҳудуд ва олий таълим муассасаси кесимидаги электрон базасини яратсин;**

Олий таълим муассасаларини ривожлантириш жамғармаси ҳисобидан **талабалар учун турар жой қидиришга ихтисослашган электрон платформани ишлаб чиқсин**, талабалар турар жойи ва хусусий хонадонлардан ижарага турар жой қидиришнинг ишончли тизимини йўлга қўйсин ҳамда доимий равишда янгилаб борилишини таъминласин.

12. Талабаларни турар жой билан қамраб олиш даражасини ошириш бўйича ишларни самарали ташкил этиш мақсадида:

а) **қурилиш вазири Б. Зокиров** талабалар турар жойларида бир нафар талабага тўғри келадиган **яшаш майдонини мақбуллаштириш бўйича** шаҳарсозлик фаолиятини техник жиҳатдан тартибга солиш соҳасидаги норматив ҳужжатларга тегишли ўзгартиришлар киритиш;

б) олий ва ўрта махсус таълим вазири А. Тошқулов ҳамда тизимида давлат олий таълим муассасаси мавжуд вазирлик ва идоралар раҳбарлари талабалар турар жойларида қўшимча маиший хизмат турларини жорий этиш, соғлом овқатланиш учун шароит яратиш ва бошқа хизмат турларини йўлга қўйиш ҳисобига талабалар турар жойларини **босқичма-босқич ўзини ўзи молиялаштириш тизимига ўтказиш;**

в) молия вазири Т. Ишметов давлат-хусусий шериклик ва давлат олий таълим муассасасининг буюртмаси асосида талабалар турар жойини барпо этиш бўйича лойиҳаларга Давлат бюджетидан субсидия ажратиш учун зарур бўлган маблағларни **2022 йил ва келгуси йиллар учун бюджет параметрларини шакллантиришда назарда тутиб бориш;**

г) Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари:

талабалар турар жойларини қуриш учун мазкур қарорга 1-иловага асосан ер майдонларини олий таълим муассасаларига улар жойлашган ҳудудга яқин жойлардан **2022 йил 1 январга қадар** доимий фойдаланиш ҳуқуқи асосида ажратиш;

давлат олий таълим муассасаларига талабалар турар жойи бинолари ва тегишли ижтимоий инфратузилма объектларини қуриш учун давлат-хусусий шериклик асосидаги лойиҳаларга **хусусий шерикларни жалб қилишга кўмаклашиб бориш;**

ўз ҳудудида талабаларни турар жой билан таъминлаш, талабалар турар жойига туташ ҳудудларда талабалар учун **зарур транспорт ва ижтимоий инфратузилма объектларининг яратилиши ва фаолият юритиши** учун масъул ва жавобгар этиб белгилансин.

13. Ўзбекистон Республикаси Ҳукуматининг айрим қарорларига 2-иловага мувофиқ ўзгартириш ва қўшимчалар киритилсин.

14. Олий ва ўрта махсус таълим вазирлиги манфаатдор вазирликлар ва идоралар билан биргаликда ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирсин.

15. Мазкур қарорнинг бажарилишини назорат қилиш Ўзбекистон Республикаси Бош вазирининг ижтимоий ривожлантириш масалалари бўйича ўринбосари Б.А. Мусаев, олий ва ўрта махсус таълим вазири А.Х. Тошқулов ҳамда молия вазири Т.А. Ишметов зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2021 йил “ 9 ” сентябрдаги 563 -сон қарорига
1-илова

**Худудларда талабалар турар жойларини қуриш учун олий таълим муассасаларига
доимий фойдаланиш ҳуқуқи асосида ажратилаётган ер майдонлари
РЎЙХАТИ**

Т/р	Олий таълим муассасаси номи	Жами барпо этиладиган талабалар турар жойлари (400 ўринли)			Олий таълим муассасаси ҳудудида барпо этиладиган талабалар турар жойлари			Олий таълим муассасасига яқин ҳудудда барпо этиладиган талабалар турар жойлари			Йиллар кесимида (талабалар турар жойи сони)			
		сон	қуввати	ер майдони (га)	сон	қуввати	ер майдони (га)	сон	қуввати	ер майдони (га)	2022 йил	2023 йил	2024 йил	2025 йил
Республика бўйича жами:		228	91 200	68,4	166	66 400	49,8	62	24 800	18,6	47	67	62	52
Қорақалпоғистон Республикаси		16	6 400	4,8	16	6 400	4,8				2	6	5	3
1.	Қорақалпоқ давлат университети	6	2 400	1,8	6	2 400	1,8				1	1	2	2
2.	Нукус давлат педагогика институти	5	2 000	1,5	5	2 000	1,5				1	1	2	1
3.	Тошкент ахборот технологиялари университети Нукус филиали	1	400	0,3	1	400	0,3					1		
4.	Тошкент давлат аграр университети Нукус филиали	1	400	0,3	1	400	0,3						1	
5.	Ўзбекистон давлат жисмоний тарбия ва спорт университети Нукус филиали	1	400	0,3	1	400	0,3					1		
6.	Тошкент давлат иқтисодиёт университети Тўртқўл факультети	1	400	0,3	1	400	0,3					1		

Т/р	Олий таълим муассасаси номи	Жами барпо этиладиган талабалар турар жойлари (400 ўринли)			Олий таълим муассасаси ҳудудида барпо этиладиган талабалар турар жойлари			Олий таълим муассасасига яқин ҳудудда барпо этиладиган талабалар турар жойлари			Йиллар кесимида (талабалар турар жойи сони)			
		сон	қуввати	ер майдони (га)	сон	қувват и	ер майдони (га)	сон	қуввати	ер майдони (га)	2022 йил	2023 йил	2024 йил	2025 йил
7.	Самарқанд ветеринария медицинаси институти Нукус филиали	1	400	0,3	1	400	0,3					1		
Андижон вилояти		16	6 400	4,8	16	6 400	4,8				4	4	4	4
8.	Андижон давлат университети	4	1 600	1,2	4	1 600	1,2				1	1	1	1
9.	Андижон машинасозлик институти	1	400	0,3	1	400	0,3						1	
10.	Андижон давлат тиббиёт институти	4	1 600	1,2	4	1 600	1,2				1	1	1	1
11.	Андижон иқтисодиёт ва қурилиш институти	1	400	0,3	1	400	0,3				1			
12.	Андижон давлат университети Педагогика институти	2	800	0,6	2	800	0,6					1		1
13.	Андижон қишлоқ хўжалиги ва агротехнологиялар институти	4	1 600	1,2	4	1 600	1,2				1	1	1	1
Бухоро вилояти		10	4 000	3	10	4 000	3				3	2	4	1
14.	Бухоро давлат университети	4	1 600	1,2	4	1 600	1,2				1	1	1	1
15.	Бухоро муҳандислик-технология институти	2	800	0,6	2	800	0,6				1		1	
16.	Бухоро давлат университети Педагогика институти	1	400	0,3	1	400	0,3						1	
17.	Бухоро давлат тиббиёт институти	2	800	0,6	2	800	0,6				1		1	
18.	Тошкент ирригация ва қишлоқ хўжалигини механизациялаш муҳандислари институти Бухоро филиали	1	400	0,3	1	400	0,3					1		

Т/р	Олий таълим муассасаси номи	Жами барпо этиладиган талабалар турар жойлари (400 ўринли)			Олий таълим муассасаси ҳудудида барпо этиладиган талабалар турар жойлари			Олий таълим муассасасига яқин ҳудудда барпо этиладиган талабалар турар жойлари			Йиллар кесимида (талабалар турар жойи сони)			
		сон	қуввати	ер майдони (га)	сон	қувват и	ер майдони (га)	сон	қуввати	ер майдони (га)	2022 йил	2023 йил	2024 йил	2025 йил
Сирдарё вилояти		4	1 600	1,2	4	1 600	1,2				1	1	1	1
19.	Гулистон давлат университети	3	1 200	0,9	3	1 200	0,9				1		1	1
20.	Тошкент кимё технология институти Янгиер филиали	1	400	0,3	1	400	0,3					1		
Жиззах вилояти		9	3 600	2,7	9	3 600	2,7				2	3	2	2
21.	Жиззах политехника институти	4	1 600	1,2	4	1 600	1,2				1	1	1	1
22.	Жиззах давлат педагогика институти	5	2 000	1,5	5	2 000	1,5				1	2	1	1
Қашқадарё вилояти		9	3 600	2,7	9	3 600	2,7				3	2	2	2
23.	Қарши давлат университети	4	1 600	1,2	4	1 600	1,2				1	1	1	1
24.	Қарши муҳандислик-иктисодиёт институти	3	1 200	0,9	3	1 200	0,9				1		1	1
25.	Тошкент ахборот технологиялари университети Қарши филиали	1	400	0,3	1	400	0,3				1			
26.	Қарши давлат университети Педагогика институти	1	400	0,3	1	400	0,3					1		
Навоий вилояти		8	3 200	2,4	2	800	0,6	6	2 400	1,8	1	3	2	2
27.	Навоий давлат кончилик институти	2	800	0,6	2	800	0,6					1		1
28.	Навоий давлат педагогика институти	6	2 400	1,8				6	2 400	1,8	1	2	2	1
Наманган вилояти		9	3 600	2,7	7	2 800	2,1	2	800	0,6	2	3	2	2
29.	Наманган давлат университети	4	1 600	1,2	4	1 600	1,2				1	1	1	1

Т/р	Олий таълим муассасаси номи	Жами барпо этиладиган талабалар турар жойлари (400 ўринли)			Олий таълим муассасаси ҳудудида барпо этиладиган талабалар турар жойлари			Олий таълим муассасасига яқин ҳудудда барпо этиладиган талабалар турар жойлари			Йиллар кесимида (талабалар турар жойи сони)			
		сони	қуввати	ер майдони (га)	сони	қуввати	ер майдони (га)	сони	қуввати	ер майдони (га)	2022 йил	2023 йил	2024 йил	2025 йил
30.	Наманган муҳандислик-технология институти	2	800	0,6				2	800	0,6		1		1
31.	Наманган муҳандислик-қурилиш институти	3	1 200	0,9	3	1 200	0,9				1	1	1	
Самарқанд вилояти		21	8 400	6,3	17	6 800	5,1	4	1 600	1,2	7	4	7	3
32.	Самарқанд давлат университети	5	2 000	1,5	5	2 000	1,5				1	2	1	1
33.	Самарқанд давлат чет тиллар институти	2	800	0,6	1	400	0,3	1	400	0,3	1		1	
34.	Самарқанд иқтисодиёт ва сервис институти	2	800	0,6	1	400	0,3	1	400	0,3	1		1	
35.	Самарқанд давлат архитектура-қурилиш институти	1	400	0,3	1	400	0,3				1			
36.	Самарқанд ветеринария медицинаси институти	3	1 200	0,9	3	1 200	0,9				1		1	1
37.	Самарқанд давлат тиббиёт институти	3	1 200	0,9	1	400	0,3	2	800	0,6	1	1		1
38.	Тошкент ахборот технологиялари университети Самарқанд филиали	2	800	0,6	2	800	0,6				1		1	
39.	Ипак йўли туризм халқаро университети	1	400	0,3	1	400	0,3					1		
40.	Тошкент давлат иқтисодиёт университети Самарқанд филиали	1	400	0,3	1	400	0,3						1	
41.	Тошкент давлат аграр университети Самарқанд филиали	1	400	0,3	1	400	0,3						1	
Сурхондарё вилояти		14	5 600	4,2	14	5 600	4,2				1	6	3	4

Т/р	Олий таълим муассасаси номи	Жами барпо этиладиган талабалар турар жойлари (400 ўринли)			Олий таълим муассасаси ҳудудида барпо этиладиган талабалар турар жойлари			Олий таълим муассасасига яқин ҳудудда барпо этиладиган талабалар турар жойлари			Йиллар кесимида (талабалар турар жойи сони)			
		сон	қуввати	ер майдони (га)	сон	қувват и	ер майдони (га)	сон	қуввати	ер майдони (га)	2022 йил	2023 йил	2024 йил	2025 йил
42.	Термиз давлат университети	6	2 400	1,8	6	2 400	1,8				1	2	2	1
43.	Самарқанд давлат университети Денов тадбиркорлик ва педагогика институти	2	800	0,6	2	800	0,6					1		1
44.	Тошкент давлат техника университети Термиз филиали	2	800	0,6	2	800	0,6					1		1
45.	Термиз давлат университети Педагогика институти	1	400	0,3	1	400	0,3					1		
46.	Тошкент давлат аграр университети Термиз филиали	1	400	0,3	1	400	0,3						1	
47.	Тошкент тиббиёт академияси Термиз филиали	2	800	0,6	2	800	0,6					1		1
Фарғона вилояти		20	8 000	6	12	4 800	3,6	8	3200	2,4	5	5	6	4
48.	Фарғона давлат университети	7	2 800	2,1	4	1 600	1,2	3	1 200	0,9	2	2	2	1
49.	Фарғона политехника институти	4	1 600	1,2	1	400	0,3	3	1 200	0,9	1	1	1	1
50.	Қўқон давлат педагогика институти	4	1 600	1,2	2	800	0,6	2	800	0,6	1	1	1	1
51.	Тошкент давлат техника университети Қўқон филиали	1	400	0,3	1	400	0,3						1	
52.	Ўзбекистон давлат жисмоний тарбия ва спорт университети Фарғона филиали	1	400	0,3	1	400	0,3							1
53.	Фарғона жамоат саломатлиги тиббиёт институти	1	400	0,3	1	400	0,3					1		
54.	Тошкент ахборот технологиялари университети Фарғона филиали	2	800	0,6	2	800	0,6				1		1	
Хоразм вилояти		8	3200	2,4	8	3200	2,4				1	3	2	2

Т/р	Олий таълим муассасаси номи	Жами барпо этиладиган талабалар турар жойлари (400 ўринли)			Олий таълим муассасаси ҳудудида барпо этиладиган талабалар турар жойлари			Олий таълим муассасасига яқин ҳудудда барпо этиладиган талабалар турар жойлари			Йиллар кесимида (талабалар турар жойи сони)			
		сон	қуввати	ер майдони (га)	сон	қувват и	ер майдони (га)	сон	қуввати	ер майдони (га)	2022 йил	2023 йил	2024 йил	2025 йил
55.	Урганч давлат университети	4	1 600	1,2	4	1 600	1,2				1	1	1	1
56.	Тошкент тиббиёт академияси Урганч филиали	3	1200	0,9	3	1200	0,9					1	1	1
57.	Тошкент ахборот технологиялари университети Урганч филиали	1	400	0,3	1	400	0,3					1		
Тошкент вилояти		8	3 200	2,4	5	2 000	1,5	3	1 200	0,9	1	3	1	3
58.	Тошкент вилояти Чирчиқ давлат педагогика институти	4	1 600	1,2	1	400	0,3	3	1 200	0,9	1	1	1	1
59.	Тошкент давлат техника университети Олмалик филиали	1	400	0,3	1	400	0,3					1		
60.	Ўзбекистон давлат жисмоний тарбия ва спорт университети	1	400	0,3	1	400	0,3							1
61.	Тошкент давлат аграр университети	2	800	0,6	2	800	0,6					1		1
Тошкент шаҳри		76	30 400	22,8	37	14 800	11,1	39	15 600	11,7	14	22	21	19
62.	Ўзбекистон Миллий университети	5	2 000	1,5	5	2 000	1,5				1	2	1	1
63.	Тошкент кимё-технология институти	3	1 200	0,9				3	1 200	0,9		1	1	1
64.	Тошкент тўқимачилик ва енгил саноат институти	1	400	0,3	1	400	0,3				1			
65.	Тошкент молия институти	2	800	0,6	1	400	0,3	1	400	0,3		1		1
66.	Тошкент давлат шарқшунослик университети	3	1 200	0,9				3	1 200	0,9		1	1	1
67.	Тошкент ирригация ва қишлоқ хўжалигини механизациялаш муҳандислари институти	3	1 200	0,9	1	400	0,3	2	800	0,6	1	1		1

Т/р	Олий таълим муассасаси номи	Жами барпо этиладиган талабалар турар жойлари (400 ўринли)			Олий таълим муассасаси ҳудудида барпо этиладиган талабалар турар жойлари			Олий таълим муассасасига яқин ҳудудда барпо этиладиган талабалар турар жойлари			Йиллар кесимида (талабалар турар жойи сони)			
		сон	қуввати	ер майдони (га)	сон	қувват и	ер майдони (га)	сон	қуввати	ер майдони (га)	2022 йил	2023 йил	2024 йил	2025 йил
68.	Тошкент давлат техника университети	6	2 400	1,8	6	2 400	1,8				1	2	2	1
69.	Тошкент давлат педагогика университети	6	2 400	1,8	4	1 600	1,2	2	800	0,6	1	2	2	1
70.	Тошкент давлат ўзбек тили ва адабиёти университети	3	1 200	0,9	1	400	0,3	2	800	0,6	1		1	1
71.	Тошкент давлат иқтисодиёт университети	6	2 400	1,8	2	800	0,6	4	1 600	1,2	1	2	1	2
72.	Ўзбекистон давлат жаҳон тиллари университети	6	2 400	1,8	6	2 400	1,8				1	1	2	2
73.	Ўзбекистон давлат санъат ва маданият институти	3	1 200	0,9	2	800	0,6	1	400	0,3		1	1	1
74.	Тошкент фармацевтика институти	2	800	0,6				2	800	0,6		1		1
75.	Тошкент педиатрия тиббиёт институти	2	800	0,6				2	800	0,6	1		1	
76.	Тошкент давлат юридик университети	2	800	0,6				2	800	0,6	1		1	
77.	Тошкент давлат транспорт университети	3	1200	0,9				3	1 200	0,9	1	1	1	
78.	Ўзбекистон халқаро ислом академияси	1	400	0,3				1	400	0,3		1		
79.	Тошкент архитектура-қурилиш институти	3	1 200	0,9	1	400	0,3	2	800	0,6		1	1	1
80.	Тошкент ахборот технологиялари университети	3	1 200	0,9	2	800	0,6	1	400	0,3		1	1	1
81.	Миллий рассомлик ва дизайн институти	2	800	0,6	1	400	0,3	1	400	0,3		1		1
82.	Тошкент тиббиёт академияси	5	2 000	1,5	2	800	0,6	3	1 200	0,9	1	2	1	1

Т/р	Олий таълим муассасаси номи	Жами барпо этиладиган талабалар турар жойлари (400 ўринли)			Олий таълим муассасаси ҳудудида барпо этиладиган талабалар турар жойлари			Олий таълим муассасасига яқин ҳудудда барпо этиладиган талабалар турар жойлари			Йиллар кесимида (талабалар турар жойи сони)			
		сон	қуввати	ер майдони (га)	сон	қуввати	ер майдони (га)	сон	қуввати	ер майдони (га)	2022 йил	2023 йил	2024 йил	2025 йил
83.	Ўзбекистон журналистика ва оммавий коммуникациялар университети	2	800	0,6				2	800	0,6	1		1	
84.	Самарқанд ветеринария медицинаси институтининг Тошкент филиали	1	400	0,3	1	400	0,3						1	
85.	Тошкент давлат стоматология институти	3	1 200	0,9	1	400	0,3	2	800	0,6	1		1	1

Изоҳ.

1) Талабалар турар жойларини барпо этиши учун зарур ер майдонлари устувор равишда олий таълим муассасасига яқин (1,5 км радиусда) ҳудудда, бўш ер майдони мавжуд бўлмаганда эса – олий таълим муассасаси раҳбарияти билан келишилган ҳолда бошқа ҳудуддан ажратилади.

2) Битта талабалар турар жойини қуриши учун ўртача 0,3 га ер майдони ҳисобланади.

Вазирлар Маҳкамасининг
2021 йил “ 9 ” сентябрдаги 563 -сон қарорига
2-илова

Ўзбекистон Республикаси Ҳукуматининг айрим қарорларига киритилаётган ўзгартириш ва қўшимчалар

1. Вазирлар Маҳкамасининг “Давлат мулкани ижарага бериш тартибини такомиллаштириш чора-тадбирлари тўғрисида” 2009 йил 8 апрелдаги 102-сон қарорида:

а) 3-бандда:

қуйидаги мазмундаги олтинчи хатбоши билан тўлдирилсин:

“олий таълим муассасаларининг ошхона ва буфетларини ижарага беришдан келиб тушадиган маблағлар электрон савдо майдончаси оператори тўловини чегириб ташлаган ҳолда, тўлиқ ҳажмда мазкур муассасаларнинг ривожлантириш жамғармаларига ўтказилади”;

олтинчи – тўққизинчи хатбошилар тегишлича еттинчи – ўнинчи хатбошилар деб ҳисоблансин;

б) илованинг 23-бандида:

қуйидаги мазмундаги олтинчи хатбоши билан тўлдирилсин:

“олий таълим муассасаларининг ошхона ва буфетларини ташкил этилишида ижарага берилган мол-мулкани ижарага беришдан келиб тушадиган маблағлар электрон савдо майдончаси оператори тўловини чегириб ташлаган ҳолда, тўлиқ ҳажмда мазкур муассасаларнинг ривожлантириш жамғармаларига ўтказилади”;

олтинчи – ўн учинчи хатбошилар тегишлича еттинчи – ўн тўртинчи хатбошилар деб ҳисоблансин.

2. Вазирлар Маҳкамасининг “Самарқанд давлат университети фаолиятини янада такомиллаштириш чора-тадбирлари тўғрисида” 2018 йил 24 июлдаги 571-сон қарори 6-банди қуйидаги мазмундаги хатбоши билан тўлдирилсин:

“2021 йил ва келгуси йилларда мазкур банднинг биринчи хатбошида назарда тутилган ишларни Университетнинг бюджетдан ташқари маблағлари ҳисобидан бажариш бўйича буюртмачи этиб – Университет белгилансин”.

3. Вазирлар Маҳкамасининг 2019 йил 26 февралдаги 172-сон қарори билан тасдиқланган Ўзбекистон Республикаси Олий ва ўрта махсус таълим вазирлигининг Олий таълим муассасаларини ривожлантириш жамғармаси тўғрисидаги низомда:

а) 9-банд куйидаги мазмундаги ўн саккизинчи хатбоши билан тўлдирилсин:

“Вазирлик ташкилий тузилмасига кирувчи ташкилотлар ходимларининг ижтимоий ҳимоясини таъминлаш мақсадида уларнинг ойлик маошларига устамалар белгилаш, моддий рағбатлантириш ҳамда моддий-техника базасини мустаҳкамлаш билан боғлиқ харажатларни қоплашга”;

б) 27-банддаги “Молиялаштириш ва бухгалтерия ҳисоби бошқармаси” сўзлари “Иқтисодиёт бошқармаси” сўзлари билан алмаштирилсин;

в) 29-банддаги “Молиялаштириш ва бухгалтерия ҳисоби бошқармаси” сўзлари “Бюджет ҳисоби методологияси ва бухгалтерия ҳисоботи таҳлили бошқармаси” сўзлари билан алмаштирилсин.

